



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

I. Priuilegium Fuldensi Monasterio à Gregorio IV. concessum.

urn:nbn:de:hbz:466:1-41527

I.

*Priuilegium Fuldenſi Monasterio à Gre-
gorio IV. concessum.*

Regorius Papa Seruus seruorū Dei dilectissimo
in Domino filio Rabano, & venerabili Abbati.
Pontificij nostri cura nos vrget sanctarum omniū
Dei Ecclesiarum vtilitatibus fquare, ac secundum
quod vnaquaque in proprio statu mansura sit, congruum eis
impartiri suffragium. Ex hoc enim lucri potissimum præmiū
& conditore omnium Deo, procul dubio promeremur, si ve-
nerabilia loca oportunè ordinata ad meliorem fuerint sine
dubio statum perduta.

Igitur quia postulaſtis à nobis, decreuimus noſtra Apo-
ſtola præceptione reconcedere, ac reconfirmare perpetuali-
ter vobis, vestrisque ſuccelloribus Monasterium Fuldenſe,
quod ſancti Bonifacij vocabulo viget, ſicut in loco, qui vo-
tur * Bochonia, iuxta ripam fluminis, qui dicitur Fulda, cum
omnibus Cellis, Curtibus, diſtriſionibus, ſeu omnibus rebus
mobilibus & immobilibus ſibi pertinentibus, quas nunc ha-
bet, & in futuro, Deo auxiliante, habebit.

Concedimus etiam, atque donamus vobis, chariffime,
& dilectissime fili, vestrisque ſuccelloribus Abbatibus in per-
petuum pro magno veftro amore, nimiaq[ue] dilectione, quam
circa vos habemus, & deinceps habere cupimus, monasterium
sancti Andreæ Apofoli, quod vocatur Exauilum, ſitum Ro-
mæ iuxta Eccleſiam sanctæ Dei genitricis MARIAE ſemper Vir-
ginis, quæ vocatur ad præſepe, cum omnibus mansionibus,
caminatis, cellis, vinariis & conquaſa, cum vineis, hortis, di-
uersisque generibus pomorum, cum curte & puteo in introi-
tu per portam maiorem à via publica, & cum omnib[us] ad idem
monasterium pertinentibus, tam intra, quam extra urbem ſitis,
quæ ei iuſtè ac recte pertinere diſſuntur.

Nul-

* *Buchonia;*

Nullus etiam Episcorum, Archiepiscoporum, Patriarcharum, vel quoquo modo in Clero constitutus, temerè, aut protervè, nisi à vobis accepta licentia, super principale altare vestri monasterij Missarum solennia celebrare præsumat, aut quamlibet ditionem, vel auctoritatem habere in idem Fuldense monasterium præter nostram Apostolicam sedem: Specialiter Episcopus, in cuius diœcesi constructum esse videtur, ita ut nisi ab Abbe monasterij fuerit inuitatus, nec missarum solennia ibidem celebrare præsumat. Bona verò, & oblationes, decimasque fidelium absque ullius personæ contrarieitate, firmitate perpetua ipsi monasterio vestro, secundum prædecessorum priuilegia confirmamus & roboramus.

Decernimus etiam, ne alicui personæ, magna vel parva liceat aliquam vim, vel controversiam inferre eidem monasterio in rebus & familiis eius; neque totum, neque partem ipsius mortalium alicui villa ratione subdere; vel, sub beneficij nomine dare præsumat, sed omni tempore soli nostræ sanctæ Romanæ Ecclesiæ libera, securaque deseruiat. Eligendi quoque sibi Abbatem, quando opus fuerit, Fratres inter se potestatem habeant secundum regulam S. Benedicti, sine ullius personæ contradictione.

Cæterum verò hæc deliberantes decernimus, ut congruis temporibus nostræ sollicitudini Ecclesiastica intimetur, qualiter religio monastica regulari habitu dirigatur, concordia que conuenienti Ecclesiastico studio mancipetur, ne forte, quod absit, sub huius priuilegij obtentu, animus, gressusque rectitudinis nostræ, à norma iustitiae aliquando retorqueatur.

Concedimus etiam tibi, quem benè eruditum, & benè eloquentem virum esse nouimus, dulcissime fili, prædicare verbum Dei auctoritate S. Petri Apostoli, & nostra, eius indi-gui Vicarij: Et ut tam vos, quam successores vestri, ante omnes Abbates totius Galliæ, seu Germaniæ primatum sedendi in omni loco, conuentuque, siue iudiciali sententia, seu in omnibus conciliis ac ordinibus nostra Apostolica auctoritate obtineatis. Abbas verò non nisi [ab] Apostolica sede benedicti.

Tt. 2

catur,

catur, à qua benedici debet; nec vñquam ab aliquo Episcopo consecrationem expetat, nisi à Romano Pontifice; nec consecratus ad aliud monasterium, in Fuldensi introducatur, vel præponatur monasterio. Vsum quoq; Dalmatica, caligarum, & sandaliorum, secundum quod ab antecessorib, nostris concessum est, vobis concedimus. Ac ne femina vñquam illud ingredi præsumat, nostra Apostolica auctoritate interdicimus. Et, ne quis vñquā placitum ibi habeat; vel, in ceteris eius locis, nec seruos, nec colonos ad aliquid seruitium constringat, nisi cui Abbas ad utilitatē suę necessitatis assensum præbuerit.

Igitur generaliter addendum dignum duximus, vt, quidquid auctoritate Antecessorum quorumlibet nostrorum, Regum & Imperatorum ipsi Fuldeensi monasterio constat fuisse concessum; sit & nostra Apostolica auctoritate per hoc nostrū priuilegium confirmatum, atq; corroboratum, statuentes Apostolica censura, sub diuini iudicij attestatione, ne quis vñquam nostrorum post decessorum Pontificum, Romanorum Regum, Imperatorum, Ducum, Marchionum, Comitum, & præterea Archiepiscoporum, Episcoporum, Patriarcharum, aut cuiuslibet dignitatis, vel conditionis hominum, contra hoc nostrum priuilegium quidquam audeat acceptare.

Quicunq; ergò huius nostri priuilegij obseruator extiterit, & pio intuitu custodierit, & ne in aliquo infringatur à se obseruauerit, omni benedictione repleatur, & peccatorum suorum absolutionē à retributore omnium bonorū Deo consequi mereatur, vt in cœlesti sede glorietur. Qui autē, quod absit, hanc nostram præceptionem violare præsumperit, nisi resipiscat, in diuidua Trinitatis iram incurrat, & à cœtu omnium sanctorum extorris existat, S. Petri Apostolorū principis maledictione redundet, CCC. X. & VIII. Patrum sacrosancto Concilio damnatur, atq; in extrema die Iudicij à maranathā anathemate perditus, lucis claritudinem nesciat, sed exteriores tenebras cum diabolo, ac consentaneis eius perpetualiter gemat, Amen. Datum per manum Benediti Notarij ac Scriniarij Romanæ Ecclesie, Idibus Maij, Indict. XIV.

Diplo-